

Nòmber:


GRUPO 6



# Nos Medio Ambiente

**carmabi**

## Hende i nos naturalesa




## Tarea 1: Mapa di Kòrsou

Riba e página dilanti tin un mapa ki Kòrsou. Kontestá e siguiente preguntanan.

1. Skirbi na kada flecha kon e área di naturalesa yama.
2. Skirbi den kompas e direkshon di nort, ost, sùit i wèst.
3. Na unda abo ta biba? Mark'é ku un krus riba bo mapa.
4. Na unda bo skol ta? Mark'é ku un rònchi riba bo mapa
5. Kua área di naturalesa ta mas serka di bo kas? Hala un liña di bo kas pa e área di naturalesa.
6. Na unda mayoria di e áreanan di naturalesa na Kòrsou ta keda? Evaluá klasikal di kon bo ta kere esaki ta.

## Tarea 2: Kiko bo sa kaba?

Traha un ret di palabra ku e tópiko 'hende i nos naturalesa'. Den e ret aki bo ta skirbi tur kos ku bo sa kaba tokante e influensha di hende riba naturalesa di Kòrsou. Ora bo ta hasi esaki, no pensa solamente di influensha ku hende tin awendia, pero di den pasado tambe. Por ehèmpel konstrukshon di plantashi i saliña. Purba di yena por lo ménos 15 palabra. Añadí palabra na e ret durante e evaluashon klasikal.



## Kiko ta bai robes?

Kòrsou ta un isla masha bunita mes. Hopi hende, tantu habitante di Kòrsou komo turista, ta gosa di nos naturalesa. Si bo ta subi Seru Kristòf i bo wak rònt, bo por mira bon kon bèrdè nos isla ta. Asta nos tin bestia aki ku bo no ta haña niun otro kaminda na mundu, manera nos biná di Kòrsou. Bou di laman tambe naturalesa ta bunita. Bo por landa ku turtuga, atmirá ref di koral miéntras bo ta snòrkel, òf landa komo sambuyadó entre piská; tur esaki por na nos isla. Pero manera tur hende sa no ta tur kos ta bunita i limpi na dushi Kòrsou. Pero kiko presis ta bai robes? Ta solamente si nos sa esaki nos lo por hasi algu pa drech'è.

Na unda mi tin ku biba?

Mas i mas di nos naturalesa ta disparsé. Esaki pa motibu di konstrukshon di kas i barío, konstrukshon di karetera, agrikultura i krio di bestia, i tambe e desaroyo di turismo. E mondi pa mata i bestia biba ta bira ménos i ménos. Además, hopi área di naturalesa a keda fragmentá na pida chikí chikí. Debí na e fragmentashon aki e bestianan di un sierto spesie ta keda demasiado leu for di otro. Esei ta pone nane chèns pa propagá i haña yu na peliger, loke ta pone ku nan eksistensia mes ta na peliger. Den laman e refnan di koral ta disparsé, prinsipalmente debí na e proseso di 'global warming' ku ta e oumento di temperatura di nos mundu. Asina e temperatura di e awa di laman tambe ta sigui subi. Koral no por ku esaki i e ta muri. Si e koral ta morto, piská tambe lo disparsé pasobra nan no tin lugá pa pone nan webu.

Ousilio! Nan ta kome mi!

Espesienan di mata i bestia ku semper tabata biba na nos isla nos ta yama spesie indígeno. Spesie ku a introdusí di otro kaminda nos ta yama spesie eksótiko. Tin biaha, animal eksótiko por pone animal indígeno na peliger. Hopi aña pasá, Spañólan a importá kabritu, buriku i konèchi na Kòrsou for di Oropa. Kabritu ta kome tur kos! Nan tambe ta kome e blachinan moli i bèrdè di mata indígeno. Ta pa motibu di kabritu, entre otro, ku mata indígeno ta disparsé poko poko...

Un otro problema ta e 'Lionfish'. Basta aña pasá, un par di Lionfish a skapa for di un akuario na Florida. E piskánan aki ta kome kasi tur kos ku nan por haña i además nan no tin kasi niun predador ku ta kome nan! Si Lionfish ta kome tur e piskánan indígeno, otro piská ta keda ku hamber i nan por muri. P'esei, spesie eksótiko i ser humano tin bes ta desbalansá naturalesa.

Keintamentu di mundu (Global warming)

'Global warming' ta e proseso den kua temperatura di mundu ta subi. Na papiamentu nos ta yama esaki e efekto di kas di kultivo intensifiká (versterkt broeikas effect na hulandes). Solo ta keinta nos mundu ku su rayonan. Normalmente, e kalor aki ta skapa, sali for di nos atmósfera pa espasio. Pero, e gasnan di kas di kultivo (broeikasgassen na hulandes) ta wanta e kalor den atmósfera. E kalor no por skapa i e temperatura di

mundu ta subi poko poko. E efekto di esaki ta karga rònt mundu, p'esei nos ta yam'é 'global warming' na ingles.

Tin diferente kousa pakiko gas di kas di kultivo den nos atmósfera ta oumentá. Algun kousa importante ta e polushon di airu i e uso di fuente di energia fósil. Ehèmpelnan di fuente di energia fósil ta gas natural, karbon i petroli. Nos ta usa e produktonan aki hopi komo kombustibel. Uso di e kombustibelnan aki ta dañá nos medio ambiente i nan kantidat na mundu ta limitá. P'esei mihó nos no usa nan! Pero tin basta kos ku nos no por hasi sin e kombustibelnan aki. Por ehèmpel, nos no por kushiná mas riba stof di gas si gas natural ta kaba. Anto sin petroli òf gasolin nos no por kore outo, ni boto, ni avion ku ta usa petroli òf gasolin komo kombustibel.

### Sushi

Mas hende, mas komersio i mas turista: esei ke men mas sushi. Na Kòrsou nos ta dùmp nos sushi na lèntfil òf den naturalesa. Nos awa sushi ta bai den berpùt, den tera, òf ta bai via un kloaka, den laman. Asina nos ta kontaminá nos tera, nos awa di tera i awa di laman. Di mes esaki ta hasi daño serio na bida riba tera i den laman.

### Plèstik

Un otro tipo di polushon di tera ta plèstik. Plèstik ta disparsé nunca. Plèstik bentá kant'i kaminda òf riba playa no ta solamente un mal bista: bestia por kom'é òf nan por keda pegá den dje. Imaginá bo ku bo ta benta un bòter di plèstik abou riba Seru Kristòf. E por tuma un aña òf un siman, pero al final e bòter aki ta paresé den laman. Turtuga no por mira e diferensha entre un medusa i plèstik, i nan ta kome e plèstik pensando ku e ta kuminda. Asina e turtuga por muri. Poko tempu pasá un bayena blèsklop a laba na playa na Hulanda ku 100 kilo di sushi den su stoma!

Den laman e plèstik ta kibra, plama poko poko na pida chikitu. E pidanan di plèstik ta bira asina chikitu, ku kasi bo no por mira nan sin lup. Ta parse ku e problema ta solushoná pasobra bo no ta mir'é, pero nan t'ei ainda si. E pidanan di plèstik chikitu ta akumulá den kurpa di bestianan di laman manera piská i despues nos ta kome e piskánan aki. Asina e plèstik ta bin den nos kurpa tambe. Esaki nos no ke, tòg?

### Tarea 3: Esei ta nobo

Bo a lesa e teksto informativo riba páginanan anterior. Kasi sigur bo tabata sa un parti di e informashon kaba. Kua informashon ta nobo pa bo? Skirbi loke ta nobo pa bo kòrtiku aki bou.

.....

.....

.....

.....

.....

.....

.....

.....

#### Tarea 4: Bèrdat òf no bèrdat ?

Bèrdat / no bèrdat    Espesie eksótiko ta animal òf mata ku bo ta haña originalmente na un lugá.

Bèrdat / no bèrdat    Espesie eksótiko i hende tin bes ta desbalansá naturalesa.

Bèrdat / no bèrdat    Animal i mata por biba bon ku plèstik.

Bèrdat / no bèrdat    Si bo tira plèstik riba kaya òf den laman, e ta disparsé di su mes.

Bo ta kla? Buska e frasenan kaminda bo por haña e kontesta den e teksto i hala un strepi bou di nan. Kontrolá bo kontesta mes ora tambe.

Bo a kontestá tur pregunta korekto?    Si    /    Nò

#### Tarea 5: kaba e frase i yena e palabra(n) korekto

Polushon di tera ta kontaminashon di .....

Menshoná dos tipo di kontaminashon di tera:

..... i .....

Polushon di airu ta kontaminashon di .....

Menshoná dos tipo di polushon di airu:

..... i .....

Polushon di awa ta kontaminashon di .....

Menshoná dos tipo di polushon di awa:

..... i .....

## Tarea 6: Pinta

Pinta aki bou por lo ménos 2 kos ku bo ta haña ta hasi Kòrsou ménos atraktivo:



## Kiko nos por hasi?

Algun problema ta problema mundial. Esaki ke men ku hende rònt mundu tin e problemanan aki. Nan ta masha dífísil pa solushoná nos so. Tur pais huntu mester traha pa resolbé nan. Pero, naturalmente tin algun desishon ku por yuda si ku nos por hasi nos mes. Kòrda bon, e promé paso pa realisá un kambio positivo na mundu semper ta kuminsá na bo mes! Kiko abo por hasi?

No kita mi kas!

Nos por sòru ku e áreanan di naturalesa ku tin na Kòrsou ainda no disparsé. Desaroyo di barionan i turismo ke men hopi kas i hotèl ta wòrdu konstruí den áreanan di naturalesa, manera na Piscadera i Jan Thiel. Asina hopi pida saliña, mondi i pal'i mangel ta disparsé. Den e áreanan aki ta biba hopi bestia! Unda nan por biba si e áreanan aki no tei mas? P'esei nos mester hasi konstrukshon solamente den áreanan destiná pa desaroyo ekonómiko i laga sobrá naturalesa na pas.

No stroba mi!

Na Kòrsou, turismo ta un fuente di entrada importante i ta sòru pa trabou pa basta hende. Turista ta gasta hopi plaka na restorant i hotèl, i na biaha rònt isla. Pero... demasiado hende tambe por dañá e pas i trankilidat di naturalesa. Por ehèmpel, desaroyo di turismo den e kuebanan di Hato a resultá den muchu ménos raton di anochi kompará ku algun aña pasá.

Ademas raton di anochi ta masha importante pa nos isla. Nan ta kome hopi insekto promé ku nan por bira un problema. Tambe nan ta kome fruta i simia. Ora nan bai af, e simianan den nan sushi ta kai riba tera kaminda nan por bira un mata nobo.

Ora hende ta snòrkel òf ta sambuyá nan ta stroba bida den laman. Turista mester kuida nos naturalesa tambe! Por ehèmpel, nunca mishi ku koral, pasó e ora ei e ta muri. Tampoko no mishi nunca ku turtuga òf piská ora bo ta landa. Esakinan ta animal salbahe, i nos ke tene esei asina. Semper tene na e reglanan di e áreanan di naturalesa, i semper laga e animalnan na pas mas tantu posibel!

Panel solar, mulina di bientu i outo eléktriko

Fuente di energia fósil ta dañá nos medio ambiente i nos no por keda usa nan pa semper. P'esei nos mester kambia pa fuente di energia alternativo. Pero... e alternativonan aki t'ei kaba, den forma di panel solar, mulina di bientu, òf outo eléktriko! Nos por sigui susha nos mundu, òf nos por kambia pa fuente di energia limpi i renobabel awor. Ya kaba hasta tin outo ku ta usa awa komo kombustibel, kon greit esei ta!

Nò kontra plèstik

Plèstik no ta desparsé nunca; e ta keda eksistí pa semper. Si bo benta un saku, bòter òf pipa di plèstik afó e lo t'ei pa semper i semper.

Mihó ta si nos no traha niún plèstik nobo mas. Pa nos usa plèstik ku t'ei kaba so. Resiklá e plèstik; e ora ei bo ta usa plèstik bieu di nobo. Ya kaba nan ta hasi'é ku por ehèmpel bòter di plèstik. Na otro pais bo ta haña sèn bèk si bo entregá bòter di plèstik bashí: pa kada bòter di Coca Cola bashí bo ta risibí 10 sèn. E ta un bon regla, pasobra asina hende ta tira ménos bòter afó.

Den e proseso di resiklahe material bieu ta wòrdu usá di nobo. Nos por smèlt plèstik bieu pa traha por ehèmpel arte òf hoyá. Algun bes tin proyekto asina na Kòrsou. Pero resiklahe ta un proseso ku semper mester ta alkansabel!

### Tarea 7: Yena e palabra korekto

1. Ta importante ku e áreanan di naturalesa ku tin na Kòrsou ta .....  
Hende mester tene na e ....., i no mishi ku ..... ni .....
2. Fuente di energia fósil ta .....  
i nan por ..... Ehèmpel di fuente di energia renobabel ta ..... i .....
3. .... nunca ta disparsé. E mihó opshon ta pa stòp di produsí mas  
plèstik nobo i usa solamente .....  
Bo por hasi esei ku .....por ehèmpel.
4. Den e proseso di ..... material bieu ta wòrdu usá di nobo.  
Por ehèmpel, por smèlt .. pa traha arte òf hoyá.



## Tarea 8: Preguntanan

Menshoná 4 kos ku hende ta hasiendo ku ta dañá nos medio ambiente i nos naturalesa:

1.....

2.....

3.....

4.....

Menshoná 4 kos ku hende por hasi pa mehorá nos medio ambiente i nos naturalesa:

1.....

2.....

3.....

4.....

## Tarea 9: Buska e palabranan

Bou di e pùzel tin 22 palabra relashoná ku nos isla speshal, manera Daaibooi. Bo por haña tur palabra den e pùzel. Buska nan i hala un strepi dor di nan.

R	P	H	H	K	I	T	S	E	L	P	C	N	K	V	G	E	B
F	C	A	Q	N	F	H	M	B	O	K	A	A	M	N	T	R	M
O	E	T	Z	S	U	S	H	I	F	N	J	J	I	N	A	U	K
T	A	Q	L	E	G	N	A	M	A	N	D	M	E	T	L	D	A
S	R	K	E	S	C	B	K	U	I	N	R	I	O	I	R	Q	K
I	E	R	U	E	F	A	E	L	O	A	B	N	N	E	I	D	M
R	A	P	A	W	A	B	A	H	W	M	D	A	N	W	S	P	N
K	N	E	B	Q	K	S	S	L	A	J	D	I	X	G	A	V	N
E	A	H	D	N	Q	U	A	O	A	I	L	O	M	P	I	D	X
K	T	A	S	Q	L	B	I	N	B	O	J	L	A	F	K	N	K
R	U	L	D	O	O	D	O	I	S	V	T	N	R	S	E	O	Á
A	R	K	P	L	E	C	E	A	Y	E	E	D	H	Y	L	H	T
P	A	I	G	M	H	N	G	K	M	L	G	U	F	N	E	P	J
N	L	S	T	I	T	J	O	Z	S	F	S	H	D	T	J	U	N
M	W	E	Á	U	L	T	P	O	E	H	B	D	O	Z	P	L	E
K	L	R	N	S	L	J	L	V	A	J	O	R	C	B	G	V	X
D	W	N	I	J	F	A	X	A	J	B	P	L	I	S	Ò	F	B
E	L	N	B	G	R	W	L	A	R	O	K	I	D	F	E	R	R

- AREANATURAL
- BOKA
- GLOBALWARMING
- MULINADIBIENTU
- PLESTIK
- RATONDJANOCHI
- RISAIKEL
- SUSHI
- AWA
- FÒSIL
- MANGEL
- PANELSOLAR
- POLUSHON
- REFDIKORAL
- SALINJA
- BINÁ
- GASOLINE
- MEDIOAMBIENTE
- PARKEKRISTOF
- PROTEHÁ
- RESIKLAHE
- SHUSHA

**Tarea 10: Kiko bo ta mira aki?**

Skirbi bou di kada plachi kiko bo ta mira den e plachi. Tambe indiká na kada kontesta si esaki ta un problema òf un solushon pa nos medio ambiente?



Mi ta mira.....

Esaki ta un solushon / problema pa nos medio ambiente



Mi ta mira.....

Esaki ta un solushon / problema pa nos medio ambiente



Mi ta mira.....

Esaki ta un solushon / problema pa nos medio ambiente



Mi ta mira.....

Esaki ta un solushon / problema pa nos medio ambiente



Mi ta mira.....

Esaki ta un solushon / problema pa nos medio ambiente



Mi ta mira.....

Esaki ta un solushon / problema pa nos medio ambiente

## Tarea 11: Sòm di redaksi

1. Maria, Kimberly, Jayden i Joshua tin mag di parti e ..... florin  
76 florin ku nan tin huntu den parti igual. Kuantu  
florin kada un ta haña?
2. Tin 8:29 or. Despues di 10 or no mag di subi Seru ..... minüt  
Kristòf mas pasobra ta hasi muchu kalor. Kuantu  
minüt falta pa e ruta pa subi Seru Kristòf lo sera?
3. Yùfrou ta hasi aña. Pa selebrá esei e mester yena ..... bòter  
320 kùp ku limonada na skol. Ku un bòter di  
limonada por yena 8 kùp. Kuantu bòter di limonada  
yùfrou tin ku kumpra?
4. Un mata den kurá di Queen Shanti ta 23 sèntimeter ..... sèntimeter  
haltu. E mata ta krese 7 sèntimeter den 7 dia.  
Kuantu sèntimeter haltu e mata ta despues di 7  
siman?
5. Mason i Tyrell ta kana 3 kilometer den 33 minüt. .... minüt  
Kuantu tempu e ta tuma nan pa kana un ruta di 5  
kilometer den saliña?
6. Pa un buki tokante animalnan den Sea Aquarium bo ..... florin  
mester paga 23 florin. Emily ta kumpra 6. Kuantu  
florin e mester paga?
7. E piská mas grandi ku un piskadó a kue riba un dia ..... gram  
ta pisa 1,8 kilo. Kuantu gram esaki ta?

## Lista di palabra

Separá sushi	E akto di pone kada tipo di sushi den nan propio barí.
Atmósfera	E kapa di airu ku ta kubri nos mundu.
Polushon di tera	Kontaminashon òf sushamentu di e tera.
Efekto di kas di kultivo	Gas di kas di kultivo ta sòru ku un parti di e kalor di solo ku ta keinta nos mundu no por sali bèk den espasio.
Gas di kas di kultivo	E gasnan ku ta bin den airu i den nos atmósfera ora ta kima kombustibel fósil.
sm.	Abreviashon pa sèntimeter. Tin 100 sèntimeter den un meter
Koriente bèrdè	Koriente generá for di energia solar, energia di bientu, òf ku kalor di tera. Esakinan ta fuentenan di energia renobabel.
Uso di nobo	Uso di materialnan bieu den mesun forma ku promé, manera bòter.
Teksto informativo	Un teksto ku ta kontené informashon. Meta di e teksto ta pa duna informashon. Por ehèmpel informe di notisia, òf un teksto den buki di siña.
Kompas	Un instrumento ku ta mustrabu unda ta direkshon di nort, ost, sùit i wèst.
Polushon di airu	Kontaminashon di tur airu rònt di nos mundu ku ta kontené oksígeno.
Medio ambiente	E espasio rònt di nos, kaminda nos ta biba.
Naturalesa	Tur área kaminda hende, mata i animal ta biba.
Area di naturalesa	Un área kaminda bestia òf mata tin karakterístikanan remarkabel, òf un paisahe speshal.
Presipitashon	Tur forma di awa ku ta 'kai' for di nubia, manera awaseru, neblina, hagel òf sneu.
Resiklahe	Uso di nobo di materia prima.
Temperatura	Kon kayente òf friu e ta, midí na grado (Celcius).
Teritorio	E área kaminda esun ku ta biba ta manda.
Típiko	Ora algu ta fasil pa rekonosé, òf karakterístika pa algu.
Vegetashon	Kresementu di mata i palu.
Efekto di kas di kultivo intensifiká	E resultado di nos kimamentu di fuente di energia fósil. Pa motibu di esaki, gas di kas di kultivo èkstra ta bin den nos atmósfera, loke ta kousa keintamentu di mundu.
Ret di palabra	Den un ret di palabra bo ta pone e palabra mas importante sentral i rònt di dje bo ta pone tur palabra relashoná ku e palabra mei mei.
Mamífero	E grupo di animal ku ta duna lus for di barika di e mama. Ora e yu ta chikitu, e mama ta dun'é lechi pa e krese.